

مأموریت خاطرہ لری

۲۰

دردہ آغاچ

ادرنہ و ما کدونیا بولغار اختلال قومیتہ سی - بونلرک مؤسسرندن استانبولده بولنانلرک اسملری و جنایات واقعہ لرلہ تصورات مہملری - بوابدہ کی مک موثوق دلائل قویہ مستند اخبارات و معروضاتہ سلطان عبدالحمیدک اہمیت ویرمہمسی و بولاقیدینک غن اولنان سبی - قومیتہ تمامیلہ تأسس ایدہرک فعالیتہ کچدکدن اوچ سنہ صوکرہ بو قومیتہ حقندہ سراہہ باب عالیدن وھیچ بر طرفدن معروضات واقع اولمادیغنه دائر باشکتابللہ صدارت آراسندہ جریان ایدن مخارباب غریبہ -

۱۹ نومرولو مقالہ دہ سسویلہ دیکم وجہ ایلہ ددہ آغاچ بولغار تجار وکیلہ موقتاً وکالت ایدن یوئف شو صورتلہ اخباراتدہ بولنش ایدی :

« بیلیم خبریکز واری ؟ (ادرنہ و ما کدونیا اختلال قومیتہ سی) نامیلہ اخیراً غایت مضر بر جمعیت خفیہ تشکل ایتدی . کوندن کونہ قوتلہ نیور .

بو قومیتہ نک استانبول ہیئت مرکزیہ سنی تشکیل ایدن اشخاصک الک مہم و نافذلری رسنہ لی سیمون طراپچہ رادف ، مناسترک زنکین بولغارلرندن برینک اوغلی و . روبف [۱] ایلہ متوفی دوقتور شیشمانوفک اوغلیدر بونک اسمنی بیلہ یورم . بونلرک اوچی دہ الیوم غلطہ سرای سلطانیسندہ تحصیلہ بولنیورلر .

بر چوقلری کی بن دہ بو قومیتہ نک افرادندہم . کندیلرلہ ہم فکر اولمادیغ حالہ محضاً شر و ضررلرینی تخفیفہ و امکان بولنورسہ بوتون ، بوتون داغیدلرینہ چالیشمق مقصدیلہ ایچلرندہ بولننی ترجیح ایتدم .

« قومیتہ نک افرادی استطاعتلرینہ کورہ جمعیتہ شہری مقنن مقدارده پارہ ویرمکلہ مکلفدرلر . بن دہ شہری یوز الای غروش ویریورم .

بر آبلغہ مخصوص مقبوض سندی شودر . باقیکنز . . . فوطوغرافیسندہ کوریلہ جکی اوزرہ عادتاً بر باتق مقبوض سندی کیبی اعتنا ایلہ طبع ایدلش اولان بوسندک اورتاسندہ کی بیضی ایچندہ آلی بایراقلی بر قادین تصویرری و باشی اوزرنده (ای اہالی قورقایمکنز اللہ سزکلہدر .) عبارہ سی و بایراقده (یا موت ، یا حریت) کلہ لری محرر و بیضینک ایکی جہتندہ (پوتفک دعاسی) سرلوحہ سیلہ بولغارچہ بر منظومہ مندرجدر . قیز یاخود قادین عثمانی بایراغنی چیکنہ یوب آغاچنی قیریور و اوکندہ اولی بر تورک عسکری یاتیور .

[۱] روبف مناستر مجلس ادارہ سی اعضاسندن اسمنی تخطر ایدہ مدیکم بر بولغارک اوغلی اولوب مدت مدیدہ بولغار چتہ لرلہ ہر نوع فضاچ عظیمہ ارتکاب ایتد کدن صوکر ۱۹۳۱ تاریخندہ مناستردہ مقننش عمومی حسین حلمی پاشایہ گویا دخالت ایدرک عفو ایدلشد .

مدحت پاشا طونہ والیدی ایکن بولغار حرکات اختلایلہ سندن دولایی روسجقدہ ایلک دفعہ صاباً اعدام اولنان مشہور قومیتہ رئیس لرندن پوتف [۲] ک اشعارندن اولان بو منظومہ نک مالی شویلہدر :

« حریت ایچون یاپیلان مجادلانده ترک حیات ایدنلر اولمش صایلدازلر . ارض و سما و بوتون موجودات اولنر ایچون آغلار و مغنیلر تغنی ایدرلر .

یاری ، حریت ایچون ہر کسک قابنہ بر عشق شدید الفا ایت . ملکک دوشمانلری (تورکار) ایلہ حرب ایچون جلہ یہ قوت ویر .

الہی ، مزاریمی ، بوتون ملتک عصیان بایراقلرینی چکہرک دوشمانلرمن (تورکار) لہ کیریشدکلری محاربہ نک ایلک صفلری آراسندہ بولغہ بنی موقوف ایت .

یوئف سوزینہ دوام ایلہ :

« بو جمعیت لزوی قدار قوت پیدا ایدر ایتمز ، حرکات شدیدہ باشلا یہرق روم ایلینک ہر طرفندہ امنیت و آسایشی اخلاہ چالیشہ جق ، استانبولہ ، سلانیک دہ ، و سائر بویوک شہرلردہ مؤسسسات اجنبیہ نی تخریب ایدہ جکدر .

« چونکہ جمعیتک مؤسسسلری آوروپانک دقت و مداخلہ سنی جلب ایدہ بیلیمک ایچون آوروپالیرک منافعی اخلادن باشقہ بر چارہ اولمادیغنه و داخداہ ہرنہ پاییلہ باصدیریلوب مقصد ملی حاصل اولمادیغنه قاعددرلر .

« استانبول قومیتہ سنک اوراق و سائرہ سی مادام شیشمانوفلہ برلکدہ اقامت ایدن بولغار اوستویانک خانہ سندنہدر .

اوستویان روسیہ قونسولاتوسندہ ترجمان اولدیغندن اقامتکھنہ حکومتک قولای ، قولای تعرض ایدہ میہ جکی ایچون اورانی ترجیح اولونشد .

« استانبولہ بولغارچہ بر غرتہ انشار ایدر . بلکہ ہیچ کورمہ مشکزد .

بو غرتہ نک باش محرری سیروزلی بولغار ما کدونسکی کجاردہ قتل اولندی و قاتل دردست اولنہ مادی .

بو وقعہ نی غرتہ لردہ اوقومش اولاکز محتملدر . فقط سبب قتلی حکومت و حتی بزم مارقوف (بولغار قاپو کتخدا سی) دخی بیلمز .

« قتلدن ایکی یاخود اوچ کون اول ، ما کدونسکی ، ما کدونیا بولغارلرندن واریاب جرائمندن بعض اشخاصک عفو مناسبتیلہ ذات شاہانہ حقندہ مدایحی متضمن بر مقالہ یازمش ایدی .

[۲] پوتف ، آصیلرکن : « بنی آصبورسکز . یارین ہم کی حرکت ایدہ جکلر اون اولاجق ، اونلری دہ آصہ جفسکز . داہا صوکرہ یوز کشی چیقاجق . بلکہ اونلری دہ آصہ جفسکز . چوق کچمہ دن بیک ، اون بیک ، یوز بیک کیشی عینی حرکاتدہ بولنہ جق آرتق او زمان بر شی یاپامیہ جفسکز . » دیدیکنی اوزمان اورادہ بولنان رائف پاشا و محرم افندی مرحوملردن ایشتمشدم .

اولمادیم ایچون بونلرک وساطتینی موافق بولماہرق شخصاً طامیادیم
حالده عقت و صحتہ متعلق مسموغانہ اعماداً شیفرہ کاتبی کامل
بکی ترجیح ایله والی ایله لوالر پیندہ کی مختبرات محرمانہ یہ مخصوص
شیفرہ مفتاحیلہ شو تافراقی چکدم :

(ادرنہ و ما کدونیا بولغار اختلال قومیتہ سی) نامیلہ
اخیراً بر جمعیت خفیہ تشکیل ایدن اشخاصدن الیوم استانبولده
بولنارلہ دائر آلدیم پک موثوق معلومات مہمہ یی ایضاحات
لازمہ ایله شفاہاً عرض و اوراق مثبتہ سنی تقدیم ایتک اوزرہ
ایکی کون ایچون استانبولہ کلیکلمہ مساعداً ملوکانہ ک بشایان
بویورلاسینی عرض ایدرم . ۷ مایس ۱۳۱۴

کونلر ، ہفتہ لر کچور ، کامل بکدن جواب کلہ یوردی .
بو سکوت مدیدک تأثیریلہ یوئفہ نہ دیہہ جکمی بیلہ یور .
« استانبولجہ پک عمیق و اطرافلی تحقیقاتدہ بولنیلیور ظن
ایدرم . ہر حالده نتیجہ سی قریبدر . » دیوردم .

نہایت حاجی علی پاشایہ بر مکتوب یازارق « استانبولہ کی
بر اختلال قومیتہ سنہ دائر شیفرہ کاتبی کامل بکہ چکدیکم
شیفرہ تلغرافدندہ مبعوث مسئلہ منافع دولت و مملکت نقطہ
نظرتدن پک مہم و مستعجل اولدینی حالده جواب آلہ مدیغمدن
بحث ایلہ تسریعی رجا ایتدم .

بر مدت صوکرہ حاجی علی پاشادن آلدیم جوابدہ .
« ... کیفیت ینہ کامل پک واسطہ سیلہ عرض عقبہ علیا
قائہرق شو صیرادہ دہدہ آغاجدن انفکا ککزر موافق مصلحت
اولمادیغندن عرض ایتک ایستہ دیککزر مسئلہ ہر نہ ایسہ تحریراً
بیلدیرمکز امر و فرمان بویورلش اولدیغندن اول و جہلہ
ایجابنک اجراسی ... » دینیلیوردی .

مسئلہ فوق العادہ مہمدر . تحریراً عرض ایدیلہ میہ جک محرم
جہتلیردہ واردر . شومن دوفرلہ صباح درسعادنہ کلہرک
بعدالعرض آقشام ترہیلہ عودت ایتک ممکن اولدینی کبی
دہدہ آغاجدن برکون دکل کونلر جہ انفکا کمدہدہ مصلحت
ہیچ بر محذور یوقدر . شاید بندہ کرک عزیمتہ مساعداہ
بویورلایہ جق ایسہ محرم جہتلیر شفاہاً سوبلنک اوزرہ
امنیت شاہانہ یی حائر برینک دہدہ آغاجہ کوندرلسمی لزومی
عرض ایتدم . ہیچ اوللازسہ بری کوندریلہ جکمی بو دفعہ
مطلقاً بر جواب آلاجمی امید ایدہ آیلر کیدی . بو
حالدن پک متأثر اولدیغنی تقدیر ایدن یوئفدہ مسئلہ دن ہیچ
بحث ایتر اولدی .

بعدالانفصال استانبولہ مواصلتمدہ بو مسئلہ یی دائر معلوماتی
حاوی ورقہ یی ، مقبوض سنندیک فوطوغرافیسی و قورشون
قلملہ یاپوب محتویاتنک تورکجہ سنی یازدییم دیگر بر قویہ یی
مستصحباً کامل بکہ کیتدم .

دوسیہ یی یازیخانہ سنک اوستنہ قوبارق :
« یدی آی اول دہدہ آغاجدن چکدیکم تلغرافنامہ یی جواب
جواب ویرمدیکز دیدم ، بونلری او قویکزر عرض ایتک ایستدیکم
مسئلہ ک نہ قادار مہم و مستعجل اولدیغنی کورہ جکسکزر .

بو مقالہ یی منافع وطنیہ یی مغایر عد ایدن قومیتہ ، بلکہ
داہا بعض اسبابک انظامیہ ما کدونسکی نک اعدامنہ قرار
ویرہرک ایتیم کشناق نامندہ بر بولغارہ اولدیرتمشددر .

« ایتیم استانبولدن آتہ ییہ قاجش و حرکت وطن پرورانہ سنی
اورادہ کی بولغار تجارت وکیلنہ آ کاتہرق استحصال ایتدیکی
باسپور ایلہ وارنہ ییہ کیتیش ایسہدہ مذکور تجارت وکیلنک
اخباری اوزرینہ وارنہدہ تحت محاکمہ آلہرق قتل ، حس
وطنپروری ایلہ ایقاع ایدلش اولسندن دولانی یالکزر اوچ
سنہ حبس جزاسنہ محکوم اولشددر .

بولغارستان پرئسی ، ما کدونسکی نک عائلہ سنہ سنوی اوچیک
فرانق معاش تخصیص ایتدی .

کچن سنہ مایسندہ سلانیکدہ قولومبو اولتندہ بولغار مکتبی
معلملرندن برینک قتل ایدلکیکی غزتلردہ کورمش اولاجقسکزر .
بو معلمی بارہ ایلہ قتل ایتدیرن شخص اصلاً بولغار اولدینی
حالده اخیراً صرب تابعیتنہ کیرہرک او حوالیدہ کی بولغارلری
صر بلاشدیرمغہ مأمور ایدلش بر کیمسہ اولدیغندن کچن سنہ
اغستوسندہ مکتب سلطانیکنک تعطیلندن بالاستفادہ سیمون
طراپچہ [۴] سلانیکہ کیدہرک غالباً سیروز طرفلرندہ قاتلی
اولدیرتمش و (سلانیک پوستخانہ سندن پوللی بر مکتوب
ارائہ ایلہ) بو مکتوبی دہ اورادن بکا کوندرمش ایدی .

« بو قومیتہ ما کدونیادہ کی صربلری کاملاً بولغارلاشدیرمق
عزمنده بولندیغندن صرب جماعتلری تشکیل ، صرب مکتب
و معبدلری تأسیس ایتک کبی تشبیلرلہ صربلرک بالسهولہ
یوتلارینہ مانع دیکنلر پیدا ایدلہ میسی ایچون بویولده تشبثاتدہ
بولنارلر اولدیریلہرک امثالنک جسارتی قیرلیق مقرردر . [۵]

یوئف ذکر اولنان مقبوض سنندینی عیناً بکا تودیع ایتش
ایسہدہ کندیسینی تطمین مقصدیلہ تاریخ و نومرو ایلہ اسمی
اوقوغامق ایچون اوزرلرینہ کاغد بارپہلری یاپیشدیرہرق
موی الپک حضورنہ بر فوطوغرافیسی آلدقدق صوکرہ کندیسینہ
اعادہ ایتدم .

شو اخبارات پک مہم اولقلہ برابر یوئفدن آتیا صورت
آخرلہدہ استفادہ ایدیلہ جکی ایچون بو وجہلہ حقمده ابراز
ایتدیکی آثار اعتمادہ تشکر و آرزوسی وجہلہ ذات شاہانہ ییہ
ویاخود دہدہ آغاجہ کوندریلہ جک امنیت شاہانہ یی حائر بردانہ
غایت محرمانہ عرض ایدہ جکمی وعد ایتدم .

او زمان سرای رجا لندن یالکزر سر قرین حاجی علی پاشا
ایلہ دارالسعادہ آغاسنی طانیردم . ققط سرای احوالہ واقف

[۴] سیمون طراپچہ مکتب سلطانیدن دیپلوما آلدقدن صوکرہ
پارسہ کیدہرک سنہ لرجہ علیہمزدہ نشریات ملعتکارانہدہ
بولنمشدر .

[۵] دورت سنہ صوکرہ ، مناستر والیلکنندہ بولندییم
آشادہ بویلہ تشبثاتدہ بولنان بر صربی مناستر بولغار تجارت
وکالتخانہ سی مأمورلرندن بری رسنہ قصبہ سندنہ قتل قصدیلہ
جرح ایدہرک فرار ایدرکن میتاً دردست اولونمش ایدی .

عقده وصولرینه دلالت ایدہ جک نہ بر علامت کورلدی ، نہ بر صدای سقوط ایشیدلدی .
برمدت صوکر ا حسن فہمی پاشامرحومہ بومسألہ نک سراجہ دوچار اولدینی لاقیدیدن بحث ایندم :
— قومیتہ نک اوراقی ، فلانی روسیہ قونسولاتوسی ترجمانک خانہ سندنہ یولندینی سوبلہ مہملی ایدیکر دیدی . چونکہ روسیہ ترجمانک مسکندنہ تحریاتہ امر ویرمکدہ کل ، کندیسنہ بویلہ براخبار وقوعنک شیوعندن بیلہ قورقار .



مأموریت خاطرہ لرینی یازان

ابریکرم ہازم بک

عبدالرحمن پاشا مرحومدہ بوکشفہ اشتراک ایتش ایدی .
دہدہ آغاچدن واقع اولان معروضاتدہ بوترجماندن هیچ بحث ایدلدیکی حالہ اہمیت ویرلہ مش ایدی .
اوزمان دہ علیہ مدہ جورنالرویرلکہ باشلادینی ایچون یازدقلرینہ اعتماد ایدلہ مش دیہ برتاویل ممکن ایسہدہ بوندن اوچ دورت سنہ صوکر ا جریان ایدن مخابرہ نک هیچ بر صورتلہ تاویل و تفسیرینہ امکان بولامادم .

۱۳۱۹ آگستوسندنہ مناسرت ولایتہ تعین اولندم . ایکی سنہ قادر اول باشلایان بولغار اخلااتنک اک مہم سرکردنندن بری اولان مناسرتہ مأموریتدن یالکز برسبلہ نمون ایدم . اودہ ، یونٹک مناسرتہ تجار وکالتہ تعین اولندینی موصلدہ ایکن غرتلہدہ کورمش اولفندن عبارت ایدی .
یونٹ مناسرتہدہ ہم ایچون پک قیمتدار برآلت موفقیت اولاجق ایدی .

کامل بک مسألہ نی تخطر ایدرک :
— حاجی علی پاشا واسطہ سیلہ جواب ویرلش ایدی ظن ایدرم اوت ، فقط تحریراً عرضی تبلیغ ایتدی . حالبوکہ محرم جہتلرینی یازامازدم . چونکہ مختبرک محافظہ حیاتی ہم ایچون برناموس ووجدان بورجیدر .
— حاجی علی پاشا معنوی مسألہ نی قاریشدیرمش تحریراً قابل عرض اولمایان جہتلری بیلدیرسہ وعلی الخصوص اورانیہ برآدم کوندیرلہ سی شقہدہ سوبلہ نہ طبیی اولہ اولوردی .
دیدکدن صکرہ ورقہ نی اوقودی ورسملرہ دقتلہ بافدی :
— حقیقہ مہم ومستعجل ایش .

— اوحالہ ذات عالیترینہ تقدیم ایلہ بن وظیفہ می ابقا ایتش اولیورم . بومسألہ نی بکا خبر ویرن ذات موقتاً تجار وکالتی مأموریتلہ دہدہ آغاچہ کوندیرین فاپو کتخداسی مارقونک باش کاتبی یونٹدر . کندیسسی استامبولوف افکارینہ طرفدار اولانردن یعنی بلغارستانک مسعودیتی آنجاچ حکومت عثمانیہ ایلہ ای کیمنکہ متوقف کورنلردن اولدینی ایچون قومیتہ نک منع وابطالی مقصدیلہ اخبار ایتشدیر . اسمی نہایت درجہدہ محرم طوئلق لازمدیر . مارقوف سرایدہ جریان ایدن مخابرات محرمانہ دہدہ کونی کونہ خبر آلیورمش .

کامل بک ، افادامی دقتلہ دیکلہ دکن صوکر ا : — « بن شیفہ مخابراتندن باشقہ ایشلرلہ اشتغالہ ، بویلہ اوراق اخذ و تقدیمتہ مآذون دکم . باشکتابہ وریکز . شاید او قبول ایتزسہ مسألہ نک اہمیتنہ نظراً اخذ و تقدیم ایتک ہم ایچون بر وظیفہ اولور . » دیدی .

کامل بک مقبوضک فوطوغرافیسنہ ، وقورشون قلملہ پایلان قویہ سنہ برکرہ داہا باقہ رق .

— بوقادار مہم و محرم برشی فوطوغرافیجیہ ناصیل کویستہ بیلدیکر ؟

— بندہ کز یاپدم .
— پک اعلا ، قورشون قلمیلہ پایلان قویہ دہ کوزل بونی کیہ یاپدیردیکر ؟

— اونی دہ بندہ کز یاپدم .
— یا . بونلری مکتب ملکیتہ دہی اوکرندیکر ؟
— خایبر ، کندسی کندیتہ اوکرتدم . مکتب ملکیتہ تحصیلی بویوک برنعمتدر . فقط بکا نصیب اولمادی .
— اوحالہ ادرنہ ولایتی معیتنہ مأموریتکز ناصیل اولدی . ولایت معیتی مأمورقلری مکتب ملکیتہ مآذونلرینہ مخصوصدر .
— ادرنہ ولایت معیتنہ مأمور دہ کیل والی معاونی ایدم .
— مکتبلر اوکرتک قابلیت اولمایانلر دہدہ آرز چوق برشی اوکرتک ایچوندر . اوکرتک مستعد اولانلر زہدہ اولسہ اوکرہ نیرلر . یالکز برآز زیادہ بورولیرلر .

بواوراقی قابلی و مختوم ظرف ایچندہ باش کاتب تحسین بک واسطہ سیلہ تقدیم ایتدیکم کی بعدہ کاملی بک ودارالسعادہ آغاسی واسطہ لرلہ دہدہ آیری آیری صورتلرینی پادشاہہ ویردیردم .
جلہ سی پک دہرین وصوسز برقویویہ آتیش کبی اولدی .

مذکور کتابده غالباً ۱۳۱۷ سنه سنده، یعنی ادرنه وما کدو نیا بولغار اختلال قومیته لرینک تشکله واستانیبول قومیته سنک جنایات واقعه سیله بعدما اجرا ایده جکاری فضاغ متصوره دائر سلطان عبدالحمید واقع اولان معروضات مکررمدن اوچ سنه قادر صوکرما مابین باش کتابتیه صدارت آراسنده جریان ایدن مخابرات ایله قوصوه ودیکر بمض روم ایلی ولایتندن باب عالی به تقدیم اولنان محررات رسمیه نک فوطوغرافیلری مندرج ایدی .

بویه دولتک اساسنی صارصان مهم بر مسأله دده سلطان عبدالحمیدک ناصل حرکت و مسأله نک وخامت آکلاشیلنجه نه وجه ایله باب عالی به تحمیل مسئولیته تصدی ایتدیکنی یک آبی کوستردیکنی ایچون مهم بر وثیقہ تاریخیه اولان مذکور تذکره شومأله ایدی .

« بر مدتدن بری روم ایلی ولایتندن بعضیلرنده سرزده ظهور اولان مغل امن و آسایش حادثات مؤسسه نک (ادرنه وما کدو نیا اختلالی قومیته سی) نامیه شکل ایدن بر جمعیت خفیه طرفندن ترتیب و ایقاع ایتدیرلمکده بولندینی مسوع عالی اولارق بویه بر قومیته نک تشکله و فعالیتیه کیریشدیکنه دائر شمیدی به قادر باب عالی دن و سائر هیچ بر طرفدن عتبه سنه ملوکانه به بر کونا معلومات عرض ایدله مش اولماسی نزد شاهانه ده یک زیاده موجب اسف اولدیغندن بو بایده سریعاً معلومات موضعه اعطاسی امر و فرمان بویورلمشدر . »

بو کتابده مندرج قرمیته بیاننامه لرده ایسه :

« روم ایلینک هان هر طرفنده ایقاد ایتدیکمز اختلال آتشارینک آله ولری آمانه سر چکمکده بولوندینی و هیچ بر طرفنده امن و آسایشدن اثر قلا دینی حالد و الیر :

سایه شاهانه ده آسایش بر کالدر . اوتده بریده نحدث ایدن بعض وقایع ایسه شایان اهمیت اولایوب سایه سطوتوایه حضرت ولی نعمت اعظمیده فاعلرینک تکلیلرینه صرف مساعی و مقدرت قلنقه در . » ده ورلر و برشی یاپامایورلر ... شکنده اعلان فخر اولتیوردی .

کتابی تامیه اوقوبامدیم ایچون فوطوغرافیلری مندرج اوراق رسمیه نک نه صورتله اله ایدلدیکنی حقنده بر فکر قطعی حاصل ایدمدم .

ابوبکر هازم

قاریلر مزده مکتوبلر

بحترم استاد من عبد الله جوده

۲۱ ایول ، ۱۹۲۶ ، قادی کوی ،
مودا ، حریت آیرتاقی ، نومرو ۵

« تاریخده کوزمل قادیلر » اسمنده یازمش اولدیغ
ناچیز اثره عأنداجتهادیکیزک ۲۱۱ نجی نسخهنده تزییس
برمتاله کزی اوقودم . هر حالده اوتوز سنه نی متجاوز
برزماندن بری تورک روحنه قطره قطره حقیقت و حرارت ،

مناسرتیه مواصلتمده مکتوبجی کشتی افندیدن ایلک سؤالم :
(یولمارتجار وکیل یوئف ایله کوروشوب کوروشمدیکی اولدی .
کشتی افندی : « کوروشمه یورم . فقط وکیل الوکیلک
اسمی یوئف دکل زاخاروف کیی برشی » دیدی .

بعده بوکیل موقتدن یوئفی صوردم :

— بر ساخته کارلق ماده سندن دولایی صوفیه ده حبس
ایدیلرک تحت محاکمه آلتدی . شو معامله کندیسنه آغیر
کادیکندن حبس خانه ده زهی ایله انتخار ایتدی . دیدی .

یوئف بویه موجب عار برجرم ایشله یه جک فطرته بر آدم
اولادیغندن اخبار معهودی سرایچه مکتوم قالماسندن دولایی
بویه بروسیله ایجاد و توقیف ایدیلرک تسمیم وانتخار ایتدیکنی
اشاعه ظن ایدلمش اولسه کرکدر .

هر نه صورتله اولورسه اولسون زوالی یوئفک ضیاعندن یک
مکدر اولدم .

بش سنه مقدم یوئفک بکا خبر ویردیکنی و طرفندن ده درحال
سرایه عرضه مسارعت ایدلدیکنی وجه ایله داها اول فعلاً اجراء
ماعننه باشلامش اولان بولغار اختلال قومیته سنک اثر تربی
اولق اوزده ۱۳۱۹ نیسانک اون بشنجی کونی آقشای سلانیک
لیانندن حرکت ایدن Guadalquivir (وادی الکبیر)
نامنده کی فرانسز واپوری قاره بورون اوکارینه وارمادن ما کینه
دائرهنده باطلایان بر بومبانک ایقاع ایتدیکنی حریق ایله یانمش
وایکی کون صوکراده سلانیک عثمانی باقیه سی شعبه سی کدلاک
بومبا ایله تخریب اولمش ایدی .

باقیه نی تخریب ایدلرک اسملرینی و حقلرنده جریان ایدن
تعقیبات قانونیه نتیجه سی تخطر ایدمه یور ایسه مده واپوری
احراق و غرق ایدن بومبانک بولغار اعدادینی مأذونرندن
یورغو مینا نامنده کنج بر بولغار طرفندن وضع اولومش و کندیسینی
واپور یولجیلری و مأمورلرینک تخلیصی تلاشلی اشناسنده ساحله
چیقوب فراره موفق اولمش ایسه ده بعده صربستان حدودنده
دررست ایدلمشدر .

بواکی سلانیک حادثه سندن باشقه و بوناردن اول وصوکرما
روم ایلینک هان هر طرفنده ایقاع ایتدیکاری هر نوع فضا یحله
مذکور جمعیت ، یالکیز اوروپانک ده کل بوتون دنیانک نظر
دقتی جلب ایتدیکنی کی معهوده وال ملاقاتی وجوده کتیرمش و بالنتیجه
آلمانیدان باشقه دول معظمه نک آژان سیویل نامیه روم ایلی به
مأمورلر کوندرمک صورتیه امور داخلیه مزه فعلاً مداخله
ایتملرینی تأمینیه موفق اولمش و یوئفک تصوراته متعلق اخباراتی بو صورتله
فعلاً تحقیق ایتمش ایدی .

مناسرتیه مواصلتمدن اوچ سنه صوکراروسیه آژان سیویلینک
معاونی موسیو بترایفک خانه سنده کوروب بش اون دقیقه قادر
اوقویه بیلدیکمز غالباً (حقیق ما کدونی اسمأله سی) نامنده فرانسزجه
برکتاب نجی جدأ مهوت ایتمش ایدی .

برمدت قلیله صوکرما مأموریتیم بغداد ولایتیه تحویل اولتدینی
ایچون اوزمان وبعده بو کتابدن برنسخه سی ایدیلرک تامیه
مطالعهنه موفق اولمه دیغندن شو آنده دخی متأثرم .